

Faksin yn it koart foar **Nuvaxovid (Novavax) tsjin COVID-19**

Wêr is dit faksin foar?

Dit faksin beskermet jo tsjin it koroanafirus (SARS-CoV-2). As jo besmet reitsje mei dat firus kinne jo lêst krije fan klachten. Lykas koarts, hoastje, pine yn 'e kiel, in dripnoas en ferlies fan rook en smaak. Jo kinne ek lêst krije fan slimme klachten. Lykas benaudens en in longûntstekking. Guon minsken stjerre oan it koroanafirus.

Jo krije dit faksin om foar te kommen dat jo siik wurde troch it koroanafirus.

Hoe wurket dit faksin?



As jo nei de faksinaasje yn kontakt komme mei it koroanafirus, dan wurket jo lichem dat firus. Jo lichem hat dan al antystoffen oanmakke dy't jo beskermje tsjin dat firus. Dêrtroch wurde jo net siik of folle minder siik.

Jo hawwe **2 faksinaasjes** nedich om goed beskerme te wêzen tsjin it koroanafirus. Fan 7 dagen nei de twadde faksinaasje ôf binne jo beskerme tsjin it koroanafirus.

Út de earste ûndersiken docht bliken dat dit faksin **de kâns op COVID-19 mei 90% ferminderet**. Dat betsjut dat fan de 100 minsken dy't sûnder faksin COVID-19 krije soene, nei faksinaasje noch mar 10 minsken COVID-19 krije.

Wannear krij ik dit faksin?

Jo kinne dizze faksinaasje krije as jo 18 jier of âlder binne. De Ryksoerheid bepaalt wa't in útnûging krijt foar dit faksin.



Jo krije dizze faksinaasje **2 kear**. Jo krije de twadde faksinaasje op syn minst 3 wiken nei de earste faksinaasje.



Jo krije de prik yn de boppe-earm.

Hoe is dit faksin goedkard?

- Der is in protte ûndersyk dien nei de feilichheid en wurksomens fan dit faksin. Dy ûndersiken binne no tagelyk útfierd, yn stee fan nei inoar. Dat skeelt in soad tiid.
- De resultaten fan dy ûndersiken binne fuortdaliks beoardiele. Der binne gjin wichtige stappen oerslein.

Dit faksin is goedkard troch it Europeesk medisynagintskip (EMA). It Kolleezje foar Beoardieling fan Genêsmiddels (CBG) is dêr ûnderdiel fan.

Tink derom!



Jo meie autoride as jo dit faksin hân hawwe. Ryd gjin auto as jo lêst hawwe fan bywurkingen lykas wurgens.



Binne jo yn ferwachting? It RIVM advisearret dan om jo faksinearje te litten mei in oar COVID-19 faksin. Lis dan oer mei jo dokter as jo dit faksin noch wolle.

Wichtichste warskôgingen

Freegje oan jo dokter oft jo dit faksin krije meie as jo:

- Earder in slimme **allergyske reaksje** hân hawwe op in faksin.

It RIVM advisearret om in nije ôfspraak te meitsjen as jo:

- **Slim siik** binne of **hege koarts** hawwe foar't jo de faksinaasje krije.
- COVID-19 hawwe. Of as jo mooglik COVID-19 hawwe.
- De ôfspraak **mist** hawwe.

Wichtichste bywurkingen

Krekt as by oare faksins kinne jo lêst krije fan bywurkingen. Dat komt om't it faksin derfoar soarget dat de ôfwar fan jo lichem begjint te wurkjen. Ôfwar soarget foar beskerming tsjin it koroanafirus.

Út ûndersiken binne de folgjende meast foarkommende bywurkingen bekend:

- Gefoelige hûd op it plak fan de prik (75%).
- Pine op it plak fan de prik (62%).
- Wurgens (53%).
- Spierpine (51%).
- Pineholle (50%).
- Siik fiele (41%).
- Pine yn gewrichten (24%).
- Mislik wêze en spuije (15%).

Dy bywurkingen duorje meastentiids 1 oant 2 dagen.

Mear witte?

Hawwe jo fragen of twivels oer faksinearjen? Lis dan oer mei jo dokter of apteker.

Sjoch foar de offisjele bysluter fan dit faksin op [geneesmiddeleninformatiebank.nl](https://www.geneesmiddeleninformatiebank.nl).

Gean foar mear ynformaasje nei [coronavaccinatie.nl](https://www.coronavaccinatie.nl).

Wolle jo in bywurking melde of dêr mear oer witte? Dat kin op [lareb.nl](https://www.lareb.nl).